

第三六二册

明倫彙編

氏族典

黃姓部

唐姓部

湯姓部

方姓部

章姓部

羊姓部

姜姓部

房姓部

臧姓部

(卷)

二六—二六

二六—二六

二五

二五—二五

二五—二五

二五

二五

二五

二五

古今圖書集成

中華書局影印

古今圖書集成
目錄

卷一百一十五
目錄

古今圖書集成

卷一百一十五

欽定古今圖書集成明倫彙編氏族典
第二百八十六卷目錄

黃姓部列傳四

明一

黃彬	黃英
黃哲	黃子美
黃敏	黃榮六
黃里	黃鎮
黃安泰	黃琛 武昌人
黃榮	黃師魯
黃正 滁州人	黃立恭
黃子澄	黃觀
黃魁	黃福
黃驥	黃采
黃信	黃伯奇
黃興	黃咀
黃茂	黃永
黃瑞	黃定
黃煜	黃希范
黃淮	黃宗載
黃天性	黃綬
黃鉞	黃謙
黃彥清	黃堦
黃直	黃潤玉
黃童	黃壽生
黃澤	黃鍾
黃仲芳	黃純

黃信中

黃正福山人

黃懋

黃養正

黃種

黃文政

黃嵩

黃勝

黃礪

黃玘

黃鎬

黃琛將樂人

黃諫

黃紱

黃譽

黃德溫

黃日新

黃智

黃會

黃甄

黃孔昭

黃璵

黃海

黃碑

黃仲昭

黃璉

黃韶

黃熒

黃玗

黃節

黃肅

黃頤

黃珣

黃珂

黃瓚

黃景

黃山

黃寶

黃廷新

氏族典第二百八十六卷

黃姓部列傳四

明一

黃彬

按明外史黃彬傳彬江夏人從歐普祥攻陷袁吉陳友諒殺徐壽輝僭號彬言於普祥曰友諒驕恣非江東敵也普祥遂遣使納款太祖至龍興令普祥仍守袁州而以彬爲江西行省參政未幾普祥死彬領其衆普祥故殘暴彬盡反所爲民甚安之進江淮行省中書左丞洪武三年封宜春侯二十三年坐胡黨死爵除

黃英

按醴陵縣志英元末授修武校尉率孤軍克復武昌取糧安慶以衆歸附太祖充先鋒守江陰復隨大軍討樅陽卒于陣贈武略將軍賜葬封江夏縣男

黃哲

按廣東通志哲字庸之番禺人世爲著姓龍鳳中太祖駐師金陵招徠名儒丞相李善長參政張昶汪廣洋交薦之乙巳拜翰林待制入禁閣侍太子讀書輔導盡志太子愛重之洪武初奉使青徐諭諸反側尋出知山東東阿縣剖決如流案牘無滯且不事苛察一縣帖服辛亥四月遷東平府通判乞歸乙卯四月復徵還判東平後以事註誤竟寘於法常構一軒名聽雪蓬學者稱爲雪蓬先生

黃子美

按濟寧州志子美字尚食其先江右人宋涪翁裔也明初遊魯籍曲阜而家居涉上子美岐嶷不凡弱冠

魁南宮授南刑部主事獻決平恕遷德安知府再補延安時劉逆亂攻掠四出延當其東南子美勵器修備隱然長城未幾轉西寧兵備副使以塞功加參政屬以大閱叙按察使起為遼海東寧監軍

黃敏

按安慶府志敏字宗學桐城人少以孝義著有文名洪武初除內丘邑令以考最入觀擢兵部主事陞員外郎亡何以忤旨左遷上林監丞陞長蘆鹽運副使有奸奄私販事犯誣敏謫戍興州廷臣交章奏敏才通識卓復擢工部虞衡司員外薦戎臣賢能者皆以立功登顯秩擢廣西按察司副使所至威惠並茂有古憲臣風

黃榮六

按安慶府志榮六世居鄱陽元末遷桐時掛車河有吳貴自稱元帥性兇暴貪財好殺榮六保障一方築城於蔣家山南遠近不能自存者皆來歸明太祖下安慶榮六請降不受爵賞遂歸山以琴劍自娛

黃里第亨

按浙江通志里字德鄰山陰人從王冕學通春秋三傳工詩詞洪武初舉明經授雲南州同知與弟亨偕往七年山寇突入倉卒以身禦之寇奪其印里執弗與遂遇害寇方肆掠亨痛忿率眾百餘與寇戰勇氣百倍寇不支潰去亨亦傷其左目抱兄骨歸葬

黃鎮

按武昌縣志鎮明初人少為繼母所窘逃相遇異人於武彝山按法召天將立至以移樹命之頃間風雷交作樹之東者移西異人遂授法劍而歸適歲旱母

命澆園即磨墨染符黑雲大雨不出園外本縣令黃州武昌太守檄請之祈雨屢驗謝金帛綵幣俱不受母追之縊於九曲亭舉棺人疑其輕啓視之惟一履在焉後賈人稱遇於四川瓊臺山云

黃安泰

按廬州志安泰洪武元年知彭澤縣時兵燹後民物彫瘵道路艱阻安泰勤廉勞國不遑啓處民至今思之

黃琛

按武昌縣志琛洪武初以帳前參隨舍人擢兵馬指揮上愛其謹厚命尚皇兄蒙城王女後授千戶累從征討及鎮守畿甸多著勞績洪武元年封皇姪女為慶陽公主琛為駙馬都尉仍令子孫世襲指揮擢中都留守授驃騎將軍卒賜葬鳳陽

黃榮

按黃岡縣志榮機警有謀精司馬兵法明初從定江淮戰吳會取中原以功授和陽衛指揮洪武辛亥從傅友德伐蜀克階文綿漢等州進克成都又從克保寧留榮駐守未幾別置千戶所守禦得代還是年論平蜀功賜白金文幣已乃命鎮黃州榮修城浚壕招懷降附一方賴之尋調紹興衛

黃師魯

按蒲圻縣志師魯字希聖號清河道人洪武中其先自桃溪徙居蒲霄慕山谷太史之風每遇佳山水輒吟咏忘返精於篆籀風韻飄逸洪武初辟崇陽訓導

黃正

按萬姓統譜正字景齊祖籍京口洪武初戎伍滁城

正生而至孝讀書尚禮母華氏年八十餘歿於家正居喪哀毀廬於墓側負土築墳素食三年郡守周公正嘉其孝行真切上其事詔旌表其門閭

黃立恭

按萬姓統譜立恭滁州人性寬厚有巧思洪武初駐蹕渡江累官工部侍郎

黃子澄

按明外史黃子澄傳子澄名湜以字行更字伯淵分宜人洪武十八年舉會試第一進士及第授翰林編修進修撰伴讀東宮累遷太常寺卿建文帝即位命子澄兼翰林學士與齊泰同倚任謀削諸王會有言周王橚不法者遂命曹國公李景隆往執之廢為庶人周王之就執也下燕議其罪燕王上書申救帝覽書惻然子澄與泰力爭之燕師起遂以誅泰子澄為名帝命耿炳文帥師討燕炳文敗子澄力薦李景隆代炳文及燕師數勝解子澄官已而復之燕師日南復謫子澄密令募兵於外子澄微服由太湖至蘇州與知府姚善倡義勤王善上言子澄才略足捍國難不宜棄閒遠以快敵人乃復召子澄未至而京城破乃就嘉興楊任謀舉事為人告俱被執子澄至成祖親詰之抗辨不屈磔死族人皆斬一子變姓名為田經遇赦家湖廣咸寧正德中進士黃表其後云楊任歷官袁州知府時致仕匿子澄於家被執磔死二子禮益俱斬福王時子澄諡節愍

黃觀

按明外史黃觀傳觀字伯淵一字尚賓貴池人父贊許從許姓洪武中貢入太學領鄉薦二十四年會試

廷試皆第一授翰林修撰累遷禮部右侍郎乃奏復姓建文初更官制左右侍中次尚書改觀右侍中與方孝孺等並親用燕王舉兵觀草制諷其歸藩辭極詆斥四年奉詔募兵上游且督諸郡兵入援至安慶燕王已渡江矣未幾即位下令暴左班文職罪狀觀名第六既而索國寶不知所存或言已付觀出收兵矣命有司追捕收其妻翁并二女給象奴奴索釵釧市酒肴翁伴諾悉與奴持去急攜二女及家屬十人投淮清橋下死明日家人自京奔至白翁死狀觀慟哭至李陽河或謂曰宮已焚失帝新皇帝帝三日免觀命舟至羅刹磯朝服東向拜投湍急處死事聞籍其家福王時諡文貞妻諡貞懿

黃魁

按明外史黃觀傳與觀同爲侍郎者黃魁不詳何許人有學行習典禮燕兵入亦不屈死

黃福

按明外史黃福傳福字如錫昌邑人洪武中以太學生爲項城主簿改清源歷金吾前衛經歷上書論國家大計太祖奇之超拜工部右侍郎建文深見倚任燕王列奸黨二十九人福與焉王入京師福迎附李景隆指福奸黨置不問復其官尋轉左侍郎未幾拜工部尚書永樂三年陳瑛劾福不恤工匠改北京刑部尚書明年督安南軍餉既郡縣其地命以尚書兼掌布政按察二司事仁宗即位召還命兼詹事輔太子福在交趾凡十九年及還交人扶攜走送號泣不忍別仁宗崩督獻陵工宣德元年馬騏激交趾復叛時陳洽以兵部尚書代福累奏乞福還撫交人乃以

工部尚書仍領交趾布政按察二司事比至柳升失律敗死還爲行在工部尚書改南京戶部尚書英宗即位加少保正統五年卒福丰儀修整不妄言笑歷事六朝多所建白公正廉恕素平於人當官不爲赫赫名事微細無不謹憂國忘家老而彌篤成化初諡忠宣

黃驥

按明外史弋謙傳黃驥全州人洪武中鄉舉爲沙縣教諭未幾擢禮科給事中嘗三使西域仁宗初還右通政與李琦羅汝敬撫諭交趾不辱命使還尋卒

黃采

按嘉定縣志采字宗素洪武中由歲貢爲監察御史受命治藍獄白註誤者三百餘人數言事調尤溪知縣復召爲御史出知兗州永樂十七年調知紹興府十九年終於任學行純正所在有循吏風從兄琮字廷玉洪武首科鄉舉知鄞州中都縣公正愛民政務具舉民頌其德官至府同知

黃信

按江西通志信彭澤人歲貢入監洪武二十二年任湖廣道御史歷廣西按察使晉湖廣布政使至右副都御史剛方不屈深得紀綱之體

黃伯奇

按江西通志伯奇分宜人資性純篤雅尚禮義洪武中舉才行老成授金華知府蒞政嚴謹吏服其能

黃輿

按武進縣志輿字希載其先清江人洪武中父遵以懷材抱德科掌常州府武進縣兩學教事因家武進

遵雅擅文學所著有松軒集輿以孝廉入國學賜冠帶正統丙辰登進士第歷官兵部郎中陞福建左布政使卒於家

黃恒

按江西通志恒寧縣人父伯義洪武間任大使以事逮繫法曹論死恒鎖項擊登聞鼓願以身代詞極懇切上疑其詐並付法曹鞫之事未上父子俱死於獄鄉里哀之

黃茂

按郴州志茂性剛直有治才洪武中任應天府尹疏剔冗滯應接如流稱京兆最

黃末

按永春縣志末縣學生員洪武中通學許奏教諭御訊屬誣悉革爲民末以髻年帶累欽發戶部充吏以人才舉授戶部主事六年陞員外又六年陞寧波知府節冗清獄勦盜安民三年考最調湖州府惠政治民三年復考最調廣信府致仕

黃瑞

按甌寧縣志瑞字叔祥洪武間以文學授南寧知府與學勸農郡民悅服丁憂衆父老籲關遮留詔諭服闋仍守南寧後如詔復任政聲益著

黃定

按萬姓統譜定字叔志烏程人洪武中由國子生授吏部稽勳主事轉考功郎中遷山東布政使定端重清潔與人語款懇若恐拂人意遇不合則毅然不與之苟同年七十七卒于家

黃煜

按蒲圻縣志煜字士昭號慈齋宅心忠懇積學該博中洪武丙子鄉試爲合肥教諭風味冷然而吟唔不輟屢典文衡爲時所宗未幾棄官歸所著有鳳凰山賦三禮說

黃希范

按明外史陳彥回傳黃希范不知何許人洪武末知徽州府與長史程通善通誅希范亦逮治籍其家

黃淮

按明外史黃淮傳淮字宗豫永嘉人父性方國珍據溫州迹跡避僞命淮以洪武三十年進士授中書舍人成祖即位召對稱旨命入翰林備顧問既直文淵閣遷翰林院編修進侍講太子立遷左庶子兼侍讀永樂五年遷左春坊大學士七年帝北巡詔皇太子監國淮留守京師明年長沙妖人李法良作亂皇太子命豐城侯李彬討之漢王高煦忌太子有功阻彬師淮曰彬老將必能克賊願急遣彬卒擒法良十一年帝再北巡淮居守遷翰林學士漢王諸太子益急帝還太子遣使迎稍緩又書奏失辭遂悉徵東宮官屬淮先至行在諸臣交劾下詔獄淮在詔獄十年仁宗即位釋爲通政使丁母憂奔喪乞終制不許尋進少保戶部尚書兼武英殿大學士宣宗即位淮病上疏乞骸骨歸許之淮歸父性年九十矣淮奉養甚歡性卒賜葬祭淮詣闕謝命充會試主考官及辭歸帝作長歌送之至英宗立再朝賜宴極歡淮歷事六帝致仕二十餘年正統十四年卒諡文簡

黃宗載

按明外史黃宗載傳宗載一名屋字厚夫豐城人洪

武三十年進士授行人累遷司正永樂初以薦爲湖廣按察司僉事徵詣文淵閣修永樂大典書成受賜歸任車駕北征徵兵湖廣使者貪暴失期宗載不舉効謫楊青驛驛丞起山東道御史彈劾不少避丁祖母憂起復改詹事府丞洪熙元年進行在吏部左侍郎英宗初被劾下獄未幾復職遷南京吏部尚書居九年乞休歸數年卒宗載持廉守正不矯不隨學問文章俱負時望公卿大夫齒德之盛推宗載云

黃天性

按通山縣志天性字大本四都人洪武三十年以賢良薦任廣德州同知尋改工部都水司主事修漕河駐節於沛沛人建德潤堂祀之

黃綬

按畿輔通志綬平谷縣人洪武末以奇童召見命送國子監讀書中宣德癸丑進士除拜山東道御史英廟北征綬疏言兵玩備弛敵鋒正銳陛下奈何以祖宗付託之身親犯危機乎不報扈駕至土木塞師潰駕蒙塵綬奮節死焉

黃鉞

按明外史黃鉞傳鉞字叔揚常熟人少好學縣舉賢良授宜章縣典史建文元年舉湖廣鄉試明年賜進士授刑科給事中三年丁父憂方孝孺弔之屏人問曰燕兵日南蘇常鎮江京師左輔也君今雖去宜有以教我鉞曰三府唯鎮江最要害守非其人是撤垣而納盜也指揮童俊役不可任蘇州知府姚善忠義激烈有國士風仁有餘而禦下寬恐不足定亂然國家大勢當守上游兵至江南禦之無及也孝孺乃因

鉞附書於善善得書與鉞誓死國燕兵至江上善受詔統兵勤王以書招鉞既而童俊果以鎮江降燕鉞聞國變杜門不出明年以戶科左給事中召半道自投於水死

黃謙

按明外史顏伯瑋傳燕兵攻沛指揮王顯迎降典史黃謙被執燕將遣往徐州招降謙不從死

黃彥清

從子金蘭

按明外史黃彥清傳彥清歙人建文時國子博士以名節自勵永樂初以在駙馬都尉梅殷軍中私諡建文帝坐死并逮其從子金蘭繫獄殷言彥清實不在軍中金蘭得釋後官知縣有善政

黃埤

按浙江通志埤難師起禮部侍郎陳性善殉難其友徐姚黃埤傷之從死

黃直

按武進縣志直官浙江按察司建文時累官侍中從亡後往來夔慶間爲人補鍋人有學其藝教之不索謝夔慶間皆呼爲老補鍋

黃潤玉

按明外史黃潤玉傳潤玉字孟清鄞人五歲侍母疾夜不就寢永樂初徙南方富民實北京潤玉請代父行十八年舉順天鄉試授建昌府學訓導父喪除改官南昌宣德中用薦權交趾道御史出按湖廣正統初詔推舉提學官以楊士奇薦擢廣西僉事提督學政母憂歸起官湖廣論罷巡撫李實親故二人實憤奏潤玉不諳刑律坐謫合山知縣以年老歸歸二十

年卒學者稱南山先生

黃童

按政和縣志童字仕穉由太學生擢陝西按察司僉事左遷寧遠縣丞太宗即位起拜監察御史按南畿嘗道中見一巨蛇昂首若有所訴童令人尾至園中就其穴掘之果得園主者殺人狀人以爲神後遷廣西副使卒于官

黃壽生

按萬姓統譜壽生字行中莆田人永樂戊子京闈第一辛卯舉進士改庶吉士預修五經四書性理大全書功除檢討壽生端重博瞻時人重之

黃澤

按明外史黃澤傳澤閩縣人永樂十年進士擢河南左叅政久之調湖廣仁宗卽位入覲言時政多見采宣德三年擢浙江布政使澤初有政績後稍肆怒鹽運使丁鉉不避道撻之爲所奏巡按馬謹并劾澤九載秩滿自由行縣斂白金三千兩償官物且越境過家遂逮下獄黜爲民

黃鍾

按沔陽州志鍾字景陽景陵人永樂辛卯鄉貢除知四川崇慶州改知山東武定時州方變故鍾面奉宣宗諭馳驛至州州賴安靖三年復命未幾卒於官

黃仲芳

按甌寧縣志仲芳字時茂登永樂乙未進士選翰林庶吉士後除東陽知縣首鋤豪民奸吏以才行薦擢湖廣右叅議施州有僞土官田姓者殺兄而奪其位仲芳設方略擒之尋奉勅選將平麓州靖遠伯王驥

薦爲己副時王振竊權仲芳疏論之振敗遷雲南右叅政卒於官

黃純

按萬姓統譜純字粹衷滁州人未樂丁酉鄉試明年舉乙榜歷輝縣蒲圻學諭秩滿起部超拜兵科給事尋陞江西僉憲奉勅提學德行文章爲時推重

黃信中

按萬姓統譜信中溫州知府有廉介名屬邑奸民至京告其鄉人嘯聚爲非都臺檄布按官詣府治之信中力辯其誣脫者三百餘人又盜殺一家二人者詞連無辜累年信中至乃具虔告城隍遂得其情

黃正

按萬姓統譜正碭山人氣質方剛言語必正居家以孝聞擢右僉都御史彈劾不避權要後忤旨黜爲廬州英山縣吏及平金山叛寇復陞左僉都御史未幾命討雲南叛夷降服而還至普安遇賊中傷

黃懋

按萬姓統譜懋字子勉元氏人未樂中進士累官嘉興知府有能名尚書夏原吉甚重之吏民戴之如父母九薦意學政孜孜好賢樂善有古良吏風後遷福建左布政使致仕卒

黃養正

按浙江通志養正名蒙以字行潮光子自幼岐嶷善楷書七歲隨父至京永樂中引見授中書舍人累官至太常少卿官殿坊扁碑刻多其所書性尤端謹淹博工詩文宣宗甚愛之正統己巳之變先事陳諫弗從扈駕次土木也先衛通行營臣屬驚怖養正獨衛

護弗避及駕北狩死之天順初追贈太常卿廕二子世襲錦衣百戶

黃種

按陝西通志種隆德人未樂中貢士除戶科給事中資性饒介不苟合久居清要及歸行李蕭然

黃文政

按福州府志文政字子正長樂人永樂甲辰進士選南臺御史官終山西按察司僉事文政剛果有爲一時稱賢執法

黃嵩

按龍溪縣志嵩字中立宣德年間貢正統己未授廣東都司經歷時廣寇作亂軍務繁興嵩統理大有裨益三上章乞除弊政當道交章奏保景泰壬申陞平樂知府徭徭叛服不常嵩以簡易處之而輪以至誠郡內晏然徭徭叛服不常嵩以簡易處之而輪以至誠歷諸寨洞勸諭悉降之九年秩滿民保留之復任三年乃乞致仕

黃勝

按建陽縣志勝由楷書任戶部郎中宣德間陞衢州知府有守有爲禁豪軍治強梗民心翕服

黃諫

按萬姓統譜諫字聲叔後埭人兄鼐第正統初進士爲戶部主事諫宣德中以明經薦授仙遊訓導勸以教人而尤篤於義知縣王彝嘗以白金二百兩寄諫彝死諫呼其子來授之丁內外艱改無錫後改麗水時浙寇張甚衆以諫有材略推以捍賊賊部署既定乃論以忠義衆感激鼓之而進賊遂奔潰天順中以

敦有成績陞廣元教諭與僉事董應軫同入蜀應軫船覆呼近岸諸小舟莫肯前諷曰是欲得財耳乃自出囊金授之衆乃亂流而進應軫獲免既抵廣元其邑爲蜀北鄙戍卒多而編氓少學政久廢諷力以義倡率廣元人士相與修學舍建文廟每日衣冠坐堂上授諸生以詩書背誦覆講如法廣元人樂從其教久而心益愛之姪綸舉鄉貢官順德教授施之子也孫顯亦第進士授戶部主事還員外郎

黃玘

按崑山縣志玘字廷儀性沉厚讀書有才器正統初由賢良徵除光祿寺署丞又以當道薦知溫州府

黃鎬

按明外史潘榮傳黃鎬字叔高候官縣人由進士授御史正統十四年按貴州羣苗盡叛官軍大敗鎬孤軍赴平越遇賊幾死夜跳入城賊圍之被困九月掘草根煮弩鏝而食之死者相枕籍城卒全鎬功爲多復留按一年久之遷廣東僉事改浙江成化初以大臣會薦擢廣東左參政再遷廣西左右布政使以右副都御史總督南京糧儲歷吏部左右侍郎十六年拜南京戶部尚書鎬有才識敏吏事時論稱之致仕道卒諡襄敏

黃琛

按延平府志琛字廷獻將樂人伯固七世孫正統四年進士除戶部主事歷郎中奉詔賑濟淮北人賴全活者萬數擢江西左叅政理繁有道陞左布政使會洞寇朱紹綱叛琛率師破其壘俘紹綱餘黨悉平以憂制去起復改浙藩尋陞南京戶部侍郎奉命巡撫

四川召還掌部事卒

黃諫

按陝西通志諫字廷臣蘭州人號蘭坡德性謙和博學多藝工隸篆行楷登正統壬戌第一甲第三名進士歷官翰林院編修侍講學士兼尚寶寺卿使安南往還議定迎詔坐次等儀及卻驢等書凡十餘首悉按經史風節凜然交趾人至今稱之常過河南沔池縣以名儒月川曹正夫歿葬霍州深以爲恨出白金屬知縣歸葬沔池陞本院學士忠國公石亨事敗以鄉人被劾謫廣廣州府判從學者甚衆廣人立祠祀之所著有書經集解使南稿從古正文蘭坡集行于世

黃紱

按明外史黃紱傳紱字用章其先封丘人會祖徙平越遂家焉紱登正統十三年進士除行人歷南京刑部郎中成化九年遷四川左叅議進左叅政歷四川湖廣左右布政使二十二年擢右副都御史巡撫延綏弘治三年拜南京戶部尚書就改左都御史紱歷官四十餘年性下急不能容物然操履潔白所至有建樹六年乞休未行卒

黃譽

按萬姓統譜譽字廷永莆田人少有志操剛果自立正統甲子舉鄉試第一登戊辰進士授南京監察御史景泰四年遷浙江按察司僉事所至摧奸去暴雖中貴從人無所避號括地黃喻除草盡絕也材高氣烈人敬憚之天順四年擢浙江布政司叅政丁內艱歸服闋成化二年改除湖廣未幾卒年五十三子穆秀扶皆舉鄉貢

黃德溫

按江西通志德溫字伯理信豐人正統戊辰進士英廟北狩時有內侍爲王振黨者旁叱言官于監國前德溫與朝士同憤者廷批殺之王太宰直呼爲一代豪傑初選吏部考功主事起復補兵部武選抗疏劾武臣怙勢求遷者選法一清未幾以事出判鎮江府掌馬政平生廉介剛方門無私謁

黃日新

按安慶府志日新字繼松其先蘇州吳縣西山蔡氏裔也祖伯敬元末爲蘄州守死難子居宿松字黃州因以黃爲氏焉父毫早世母王氏積疴日新侍湯藥不離母喪日夜號哭愛弟妹愈摯服闋弟求析爨日新泣弟感之止後日新他出其弟有鬻屋者僦居別姓日新又購屋居之衣食鞠養靡不周至

黃智

按浦城縣志智字惟哲景泰庚午舉人任廣東化州知州興利除害時賊犯境智率兵與戰殲其渠魁餘黨悉降鄰郡邑皆賴以平智臨陣爲賊矢所傷未幾卒于官事聞贈奉直大夫

黃會

按江西通志會字吉劬臨川人景泰四年進士授行人司副持身謙謹陞南京屯田司郎中時堂官缺命會署堂事寅案敬服陞遼東苑馬寺少卿

黃甄

按壽光縣志甄景泰甲戌進士選庶吉士改工科給事中天順中陝西大水甄上疏賑救稱旨成化三年南京雷震午門正樓甄上疏修省語涉忌諱降陝州

知州

黃孔昭

按明外史黃孔昭傳孔昭黃巖人初名曜後以字行改字世顯父瑜進士兵部主事孔昭年十四遭父母喪哀毀骨立舉天順四年進士授屯田主事進都水員外郎成化五年調文選九年進郎中銓叙平允其以私干者悉拒之滿九載擢右通政久之遷南京工部右侍郎孔昭嗜學敦行與陳選林鶚謝鐸友善並爲士類所宗弘治四年卒嘉靖中諡文毅子備亦舉進士爲文選郎中

黃瓊

按萬姓統譜璵字玉輝純季子由鄉薦登天順庚辰進士授雲南道監察御史因劾權奸左遷常山縣丞未幾陞知化州改道德二州所至興學除弊政化大行士民德之

黃海

按浙江遲志海字伯川以字行餘姚人天順六年舉人爲建寧教諭工于詩有竹橋十詠行世子堂字勉仁弘治十五年中會試及廷試擬爲第三人未傳臚而卒

黃暉

按廣東通志皞字時雍南海人領成化乙酉鄉薦書太學明習故典試銓曹第一授吏部司務轉驗封員外郎時東廠權餒燦人曹署謁見必跪皞以頒歷往惟長揖而已尋拜江西叅議督理糧儲皞諳練精筭法吏不敢售其奸居八年都御史林俊力薦之以無援不果遷正德丁卯劉瑾用事裁督糧官皞回籍

行李蕭然擢雲南左叅政所部納樓茶甸長官歸沙
福與夫弟普顯治兵相攻積數十年死者甚衆卑單
車往諭二酋聽命巨璫崔安忌倬功語侵之倬盛氣
相待聲色俱厲安婉出吏民因釋鐵漢公比致仕垂
褫而歸卒於家

黃仲昭

按明外史黃仲昭傳仲昭名潛以字行莆田人性端謹登成化二年進士改庶吉士授編修以直諫被杖謫相潭知縣在道用諫官言改南京大理評事遭父母喪除服以親不逮養遂不出弘治改元御史姜洪疏薦除江西提學僉事誨士以正學久之再疏乞休日事著述學者稱未軒先生卒年七十四仲昭祖壽生翰林檢討有學行父嘉東鹿知縣多善政兄深御史深子乾亨行人使滿刺加歿於海乾亨子如金廣西提學副使希雍蘇州同知仲昭孫懋官南京戶部侍郎

黃璉

按莆田縣志璉字汝器成化丙戌進士授南戶科給事中丁外艱服闋改南禮科滿九載陞浙江右叅議巡視溫處銀場弘治五年改雲南尋轉貴州叅政撫按交章舉薦擢本司右布政尋轉左屬普安酋叛遣大臣率兵征勦委璉督餉處置有方賊平以疾卒

黃韶

按浙江通志韶字九成餘姚人成化五年進士官至江西提學僉事

黃榮

按龍溪縣志熒字敦實嵩姪也登成化壬辰進士授

玉山知縣召入授南京監察御史丁父憂服除改北
條官民利病十餘事出按長蘆釐宿弊汰墨吏壞法
者一時肅清按雲貴鎮以簡靜擢四川按察司副使
以母老懇疏致仕

黃玪

按蒲圻縣志玆字敬潤祖煜中洪武丙子鄉試爲合
肥教諭父城中末樂癸卯鄉試爲富順司訓玆成化
乙酉舉于鄉乙未登謝遷榜進士授浙江西安知縣
爲政嚴峻豪猾屏跡徵拜福建道監察御史堅持風
紀不畏彊禦時貴州都勻苗亂大兵進討敕玆往監
軍紀績經略常屈羣策改土爲流改州爲衛厥功居
多晉陞大理寺丞勒石黔署尋致仕歸

黃節

按華容縣志節字文忠成化丁酉鄉貢性廉靜有大志銓爲廣州府通判計使娼縛盜盜費叅不煩寸兵擢肇慶府同知擒巨盜馬文堅并其黨數千人御史上其績進福建鹽運司同知逆瑾竊柄落職致仕歸杜門誦黃庭經以老

黃肅

按六合縣志肅字敬夫東二國人成化戊戌進士授河南新鄭知縣賑濟饑民多所全活秩滿陞工部都水主事進刑部貴州司員外郎擢廣西按察司僉事土官趙源妻岑氏以賄謀立假子肅竟立其姪思明黃紹反肅率兵討之思恩知府岑濬謀作亂豫榮丹良城以截行舟肅曰是賊咽喉也卽被甲先登士皆蟻附賊遂焚營壘全師以歸東塞蠻叛肅從間道破其巢蠻潰撫按交章薦之尋進湖廣兵備副使正德

初以軍功陞三品致仕

黃頤

按蒲圻縣志頤字敬德爲人淳謹博學強記不苟許可成化七年中鄉試十三年登會彥榜進士授知溫縣再調陳留爲政豈弟平易近民懷其惠及致仕居鄉黨尚如諸生時人多稱爲長者

黃珣

按浙江通志珣字廷璽餘姚人成化辛卯鄉試第一辛丑廷試第二歷官翰林國子監終南吏部尚書珣雖和易而大節凜然逆瑾忌之勒令致仕嘉靖十年追諡文僖

黃珂

按明外史黃珂傳珂字鳴玉遂寧人成化二十年進士授龍陽知縣治行聞擢御史出按貴州改按畿輔歷山西按察使正德四年擢右僉都御史巡撫延綏入爲戶部右侍郎總督倉場河南用兵出理軍餉隨方轉輸軍興無乏錄功增俸一級改刑部進左侍郎已改佐兵部寧王宸濠謀復護衛珂執議獨堅九年擢南京右都御史尋就拜工部尚書乞休歸卒諡簡肅

黃瓚

按揚州府志瓚字公獻儀真人成化甲辰進士授戶部主事由郎中陞四川叅議浙江叅政遷江西右布政寧王宸濠不法諸司多爲所制瓚獨不屈轉湖廣左布政時吏部疏天下外官治行瓚爲第一陞應天府尹晉巡撫山東入爲南京兵部右侍郎嘉靖初致仕卒

黃景

按江西通志景字文昭上高人成化進士歷禮部主事郎中奏對稱旨陞通政尋遷禮部左侍郎弘治初以時議不合致仕正德間又坐事調戍墩煌尋有歸卒景嘗奉詔保定河間賑荒計慮周悉活人甚衆又嘗勸憲宗以養心之學及建議裁抑西僧之爲民害者持論侃侃綽有足觀云

黃山

按江西通志山字允高高安人成化進士授行人屢奉使不以毫髮自污弘治間擢御史時何文鼎以忠諫得罪山上疏力爭巡按浙江剪宿弊懲奸貪無所假借風采動一時陞廣東按察僉事

黃寶

按長沙縣志寶字廷用高祖興輔監察御史寶成化進士吏部主事文選郎風節凜然有黃寶不愛寶之謫遷太常卿修舉禮樂擢都御史巡撫陝西河套莫敢犯秦地用寧逆瑾柄國歸瑾敗復起巡撫雲南不踰月以疾卒賜祭葬

黃廷新

按名山藏方技記廷新潮人寓興寧縣東郊家故貧隱屠肆口不言技術或時露一二成化中長樂尉江璟署縣流賊攻城久廷新以遁法解賊圍繇是知名練廷甯者喜談兵事廷甯一日祭旗不開走問廷新廷新曰午有衣麻婦過子門子大喊三乃祭旗旗開矣祭畢必風雨果然隸人陳秀錦事廷新盡傳其秘推官王曠署縣一日捕治秀錦下之獄秀錦不踰垣而風逸曠知其得廷新術併捕廷新廷新取二竹葉

一插鬢一以授其子父子坐肆中捕人過其旁無見也既數日曰吾向以日不利故不就捕今日可矣入踞露臺下懷龍眼擲曠前曠乃見之告曠云一百二十日乃可以獲曠不許驅促之廷新出使其子置炭七枚燃七燈草而試之炭熾而燈草不焦日第往無禍也吾則不往期未耳及期廷新走獲得之羅時雍者欲傳其術置酒邀廷新覆盤殮使射之廷新一一中鄰居道人爲人設醮歸廷新謂其鄉人往候之潛以竹葉插道人門道人方晝寢鄉人排門入不見道人惟見百雀自帳飛出鄉人曰黃先生誑我少頃廷新去竹葉鄉人見道人頽然牀簀之上一日呼其兒曰吾婿丘氏死矣急往訊之兒云昨見之南郊何以死廷新曰南郊正丘之死所也果然廷新剛直落魄不以法輕授人或呼爲黃先生則不應曰吾屠子也以能自藏用故不及於禍

欽定古今圖書集成明倫彙編氏族典

第二百八十七卷目錄

黃姓部列傳五

明二

黃流

黃鏐

黃瀾

黃衷

黃臣

黃瑗

黃璽

黃卿

黃廷輝

黃宗明

黃焯

黃嘉賓

黃連

黃省曾

黃綰

黃直

黃煦

黃正色

黃大廉

黃懋官

黃鶴

黃國卿

黃希憲

黃鍾

黃澍

黃昭

黃俊

黃宏

黃肇

黃質

黃重

黃鍾

黃偉

黃國用

黃佐

黃弘綱

黃表

黃綰

黃禎

黃點

黃光昇

黃文炳

黃養蒙

黃襄

黃憲卿

黃庚

黃應甲

黃世勳

黃廷聘

黃尚質

黃大年

黃莊二

黃升

黃學海

黃鳳翔

黃吉士

黃宇

黃中色

黃汝良

黃華秀

黃正賓

黃桂

黃立極

黃儒炳

黃文星

黃公輔

黃世忠

黃如龍

黃綢

黃添祥

黃啓元

黃尚正

黃祥

黃胡

黃思近

黃憲清

黃應甲

黃道瞻

黃運昌

黃克纘

黃居中

黃輝

黃士吉

黃起龍

黃和

黃諫卿

黃尊素

黃引恩

黃鳴俊

黃彥士

氏族典第二百八十七卷

黃姓部列傳五

明二

黃流

按名山藏本土記流居玉岐之陽有志聖人之道根據六經博綜諸史窮極造化探索事物一時名儒如羅倫陳獻章張元禎胡希仁或近接行遊或遠著書札以親老之兄弟絕意仕進事父先意承志母病風數載隨侍湯藥後罹瞶疾醫不能治涕泣籲天請以身代忽有異應母瞶遂愈弘治初與同邑蕭子鵬被徵子鵬得嘉興教授流固辭不就嘉靖中詔書旌門

黃鍾

按名山藏本行記鍾慶都人祖居顏父鑑及鍾子顯孫世儒會孫仲寧男婦計一百二十口自永樂至弘治元年六世同居無兩爨其家以耕讀爲業孝養爲先鄉黨有貧乏者常周急之擇其子弟之良者聚而教之弘治中旌表

黃鏐

按泉州府志鏐字于宣晉江人弘治庚戌進士授南京戶部主事轉禮部郎中擢守恩恩軍民府恩恩故土官岑氏世襲餘孽跳梁鏐至悉擒捕之團結保伍增設縣治定稅額均徭役建學校置驛道大小衙門悉用流官如內郡之法三年移守桂林考滿丁外艱卒於家

黃澍

按福州府志澍字文澤鎬之子以廕入太學領弘治壬子順天鄉薦歷姚安知府澍守郡清平明恕購朱

能劇盜以雪冤獄郡稱神明

黃瀾

按莆田縣志瀾字源續弘治癸丑進士選庶吉士授編修以母老告歸母終復起供職甲戌同考會試充武宗經筵講官進講論語尚書有戒佚遊遠佞人等語轉國子司業遷南京侍讀學士以疾乞致仕卒

黃昭

按江陰縣志昭字明甫中弘治乙卯南都鄉試第二明年成進士授刑部主事改職方正德初逆瑾擅權抗節自守瑾怒赦罷之瑾誅起廣東按察司僉事晉福建按察司副使黃田山寇嘯聚有司莫能制聞昭往散去閩城門卒葉元保倡亂昭行間謀擒其首遂平昭與貢安甫史良佐同在正德黨籍朝紳贈詩有三虎殿前聲正烈一龍天上膽尤寒之句云

黃衷

按廣東通志衷字子和南海人父璉以學行稱衷弱冠登弘治丙辰進士授南京戶部主事監江北諸倉督權揚州丁內艱歸正德初復除戶部督員外郎羅外艱奔喪服闋銓衡擬改御史力辭乃補南京兵部員外郎晉禮部郎中後轉武選尋遷吏部後知湖州府遷福建都轉運使監司胡世寧薦衷堪總糧政遂晉廣西叅政督糧至則嚴法繩奸境內肅然辛巳八月晉雲南右布政使征芒市以功轉左巡察疏衷忠清公亮宜加重任甲申擢右副都御史巡撫雲南薦賢黜貪安民禦盜清里役以節財力復條陳地方利病八事皆切機宜無何移鎮湖廣兼理戎務首劾分巡守備者二人奸吏多望風解去丙戌湖廣盜起授

守巡官以方略進兵討之捷聞大被褒賚會營顯陵及建仁壽官晉工部右侍郎兼金都御史乞休不允改兵部右侍郎致仕

黃俊

按武進縣志俊字慎齋弘治己未進士庭堅十四代孫授戶部主事轉刑部郎中忤璫意出守嚴州立學置田調守漢陽銓曹聞其清介授山東轉運使抗陳利弊十四條清望日隆自知為當道所忌遂乞骸肥道

黃臣

按濟陽縣志臣字伯鄰號安厓弘治己未進士入史館博洽高雅文名籍甚既歷省闈值世廟初議大禮忤旨幾斃杖下既而鑒其忠委任之累官至大中丞

黃宏

按明外史黃宏傳宏字德裕鄞人著籍孝陵衛舉弘治十五年進士知萬安縣用才調泰和遷戶部主事歷江西左叅議宸濠反被執宏憤怒以手梃向柱蹙項是夕卒子紹文奔赴求得其棺以偽命治斂非父志亟易之扶歸

黃瑗

按泉州府志瑗字純玉晉江人弘治乙丑進士知山東長山縣時有老嫗子商販戕於盜瑗計獲真盜真之法人服其明青齊有疑獄藩臬多檄瑗鞠之陞戶部主事歷員外郎中擢守肇慶以平賊功進三品秩既而廣西盜起瑗統肇慶之兵會捕以疾卒

黃華

按明外史黃華傳華字伯固莆田人弘治十八年進

士正德中由德安推官入為刑部主事歷職方武選郎中南巡詔下輩念帝巡遊本江彬誘惑直請誅彬員外郎陸震草疏將諫見羣疏稱歎因與連署以進帝怒甚江彬又激之遂下二人詔獄復跪午門五日廷杖五十斤為民震遂死彬使人沿途刺華有治河主事知而匿之間行得脫既歸潛心著述或米盡日中未爨晏如也世宗立召為南京大理丞明年入賀卒於京師天啓初追諡忠裕

黃璽

按明外史黃璽傳璽字廷璽餘姚人兄伯震商十年不歸璽出求之經行萬里不得蹤跡最後至衡州禱南嶽廟夢神授以繾綣盜賊際狼狽江漢行二句一書生告之曰此杜甫春陵行詩也春陵今道州曷往尋之璽從其言既至無所遇一日入厠置傘道旁伯震適過之曰此吾鄉之傘也循其柄而觀見有餘姚黃廷璽記六字方疑駭璽出問訊則其兄也遂奉之以歸

黃質

按范縣志質字文之登順鼎臣榜進士正德初補永清令治居畿邑之最徵為戶科給事中皆逆瑾竊權質上疏言多指斥中人瑾不平會江西有疑獄命往識之事竣瑾敗尋改禮科適乾清宮災上言致災之由消變之道慷慨激切得古諫臣體出為湖廣叅議同大司徒秦民悅平郴桂峒獠既改河南中丞何天衢征勦巨盜以質督軍餉盜平遷浙江按察司副使飭兵溫處勦平汀漳羣盜為共事者竊其功改湖廣辰沅兵備副使又與朝貴多不相能居無何乃有左

遷之命遂解任歸尋卒

黃卿

按益都縣志卿字時庸號海亭正德戊辰進士歷知武進涉縣遷守應州所至皆以能稱陞南京刑部郎擢守太原修廢決滯五閱月而郡大理汾河決城將墊具詞告祭水徙三里民神之陞浙江右叅政調陝西再遷江西晉左布政庚子入覲中道卒

黃重

按廣東通志重字子任南海人正德戊辰進士授行人擢外艱歸服闋復職壬申使伊藩葬祭事竣卻其金癸酉使遼甲戌以績最擢戶科給事中巡視內十庫并光祿寺宿弊俱革建言重名器久任用慎薦舉省權課四事戶部奏從所省商旅稱便已而清理畿內倉場權貴避焉尋進兵科右給事中考察京衛武官淑恩罔弗當者疏乞歸省庚辰復任尋羅內艱歸癸未服闋補吏科右給事中甲申夏晉兵科左給事中太監潘真出鎮荆湖違例丐請重封駁不避秋以言禮杖於午門外尋進戶科都給事中丙戌充武舉考官丁亥畿內饑疏請賑濟詔行其言多賴全活人侍經筵擢南京太常寺少卿己丑致仕

黃廷輝

按江西通志廷輝靖安人正德己巳寇攻縣治典史呂操陷于敵廷輝與兄子宗祥奮力救援廷輝手戮一賊爲他賊所殺宗祥繼之戮賊二亦被害

黃鍾

按畿輔通志鍾字伯魁延慶州人正德辛未進士除戶科給事中彭澤節制川陝有功權臣忌之誣以罪

鍾上疏爲白其冤己卯遷順天府丞京兆多勦威巨璫恣肆陵虐鍾設法緝之嘉靖辛卯遷都察院僉都御史巡撫山西致仕

黃宗明

按明外史黃宗明傳宗明字誠甫鄞人正德九年進士除南京兵部主事進員外郎請告歸嘉靖二年起南京刑部郎中張璉桂萼爭大禮自南京召入都未上三年四月璉萼黃綰及宗明聯疏奏尊獻帝后去本生之稱爲皇考恭穆獻皇帝聖母章聖皇太后奏入帝大悅宗明亦遂蒙帝眷明年出爲吉安知府遷福建鹽運使六年召修明倫大典以母憂歸服闋徵拜光祿卿十一年擢兵部右侍郎編修楊名以劾汪鉉下詔獄詞連同官程文德亦坐繫詔書責主謀者益急宗明抗疏救帝大怒謂宗明即其主使并下詔獄謫福建右叅政帝終念宗明議禮功明年召拜禮部右侍郎轉左侍郎卒於官初議禮諸臣恃恩勢恣宗明雖由是驟顯持論頗平於諸人中獨無畏惡之者

黃偉

按泉州府志偉字孟偉同安人正德甲戌進士授刑部郎嘉靖初應詔陳九事出守南雄明禮教去淫祠介直敢爲無所顧忌甫三月遂疏歸改授松江權貴有銜之者遇復稱疾歸自是累遷不起日惟以養親講學正家法化鄉閭爲務

黃焯

按延平府志焯字子昭南平人登正德甲戌進士第由南禮部主事歷遷知永州府擢湖廣布政司左叅

政所著有尊美堂政錄修來篇中庸論語讀法貽光堂集

黃國用

按江西通志國用廬陵人正德進士授行人武宗南巡國用上疏極諫上怒廷杖之幾斃謫南京國子學正直聲震一時嘉靖間復職擢監察御史以忤中貴下詔獄謫廣東驛丞後召還官仕至貴州提學僉事

黃嘉賓

按嘉祥縣志嘉賓字國賢初爲河南府推官斷獄明決庭無留訟人比之包待制焉及遷兵部主事歷員外郎持正不阿人不敢以私干之會武宗西狩未幾復南巡嘉賓皆上書切諫議論激烈聲色俱厲逢上怒兩受廷杖得不死嘉賓言事愈厲名震天下終太僕卿致仕

黃佐

按明外史黃佐傳佐字才伯香山人祖瑜長樂知縣以學行聞正德中佐舉鄉試第一世宗嗣位始成進士選庶吉士嘉靖初授編修尋省親歸還朝會出諸翰林爲外僚除江西僉事旋改督廣西學校聞母病引疾乞休不俟報竟去會簡官僚命以編修兼司諫尋進侍讀掌南京翰林院召爲左諭德擢南京國子祭酒母憂服除起少詹事謁大學士夏言與論河套不合會吏部缺左侍郎所司推禮部右侍郎崔桐及佐給事中徐需御史艾樸言桐與左侍郎許成名競進至相詬訐而佐及同官王用賓亦爭覲望惟恐或先之宜皆止勿用言從中主之遂皆賜罷年七十七卒穆宗立詔諡文裕

黃連

按山西通志連字續之萬泉人慷慨有志節正德中湖州府檢校陸大興縣主簿流賊犯境連率民壯及家衆禦之以強弩射數人賊夾攻之死於陣事聞贈大興知縣遣官諭祭祀忠義祠

黃弘綱

按明外史王守仁傳黃弘綱字正之零都人學於王守仁登鄉舉官至刑部主事守仁之門從遊者恆數百善推演師說者稱弘綱何廷仁及錢德洪王畿學者稱弘綱洛村先生

黃省曾

按明外史文徵明傳黃省曾字勉之舉鄉試從王守仁湛若水游又學詩於李夢陽所著有五嶽山人集子姬水字淳父亦有文名

黃表

按咸寧縣志表字一屏華除中輔臣黃子澄之後也文皇靖難子澄九宗皆赤幼子仲真潛居咸之澤湖易姓去共爲田名中直生達穎讀生秩仁宗登極褒揚子澄之忠錄用其後秩得復姓賜陝西苑馬寺少卿生璣字齊軒以明經任邳州同知陞開封府知府累遷參政表其子也生而穎異日記千言辛巳成進士授工部主事世宗即位與費宏張璠等議興獻禮稱旨將大用之以父艱歸旋卒

黃綰

按明外史葉應驄傳給事中潮陽陳沆素無賴不齒清議張璠桂萼以議禮顯沆上疏言璠等議是璠等輩遂引以擊異己御史張日輯戴金藍田特疏論之

得旨遣應驄及錦衣千戶李經等雜治論斬沆懼亡詣闕申訴帝命覆覈郎中黃綰力持應驄議璠等奏免爲民嘉靖六年沆上書許應驄等因訟沆冤遂逮應驄綰縮進士息人爲刑部主事諫南巡被杖歷郎中出爲紹興知府以寬大爲治被劾下詔獄瘐死

黃綰

按明外史黃綰傳綰字宗賢黃巖人侍郎孔昭孫也承祖蔭官後府都事嘉靖初爲南京都察院經歷張璠桂萼爭大禮帝心嚮之三年綰亦上言帝大喜俄聞帝下詔稱本生皇考復抗疏極辨又與璠萼及黃宗明合疏爭大禮乃定綰自是大受帝知明年遷南京刑部員外郎謝病歸帝念其議禮功六年召擢光祿少卿預修明倫大典遷大理左少卿璠萼逐諸翰林於外引己所善者補之遂用綰爲少詹事明年大典成進詹事出爲南京禮部右侍郎十二年召拜禮部左侍郎初綰與璠萼深相結至是夏言長禮部帝方嚮用綰乃潛附之與璠左以母憂歸十八年禮官以恭上皇天上帝大號及皇祖諡號請遣官詔諭朝鮮帝方議討安南欲因以覘之時起綰禮部尚書爲正使帝方幸承天趣綰詣行在受命綰憚往至徐州先馳使奏疾不能前致失期帝怒視尚書新命令以待郎聞往使事亦竟廢久之卒於家

黃直

按明外史楊名傳黃直字以方金谿人嘉靖二年成進士除漳州推官御史誣以罪送吏部降用行至中途疏請早定儲貳帝怒逮問無何得釋貶沔陽判官外艱歸服闋赴部適名下獄直抗疏言之帝大怒并

下詔獄戍雷州衛赦還久之卒

黃禎

按安丘縣志禎字德兆嘉靖癸未進士性磊落自負罔殉時好爲兵部武選司郎中坐失火下獄免歸復起吏部文選司郎中以御史洪垣言復下獄免官家居嘗獨坐一樓日事吟咏遍擬諸名家詩爲文力追古作不爲靡麗語與樂安李舜臣齊名海內謂之李黃

黃煦

按荆門州志煦點胞兄以荆州府學中嘉靖乙酉科先以神童名世

黃點

按荆門州志點字淑宇明理學精通五經設講堂於沙洋之西士子從學者不下百餘人至今名其山曰夫子山由選拔除授廣西賀縣令會天旱點膝行祈禱三日而雨深數尺

黃正色

按明外史張選傳黃正色字士尚無錫人登嘉靖八年進士除仁和知縣以憂補香山旋改南海豪強屏跡縣中大理十七年召爲南京御史明年章聖太后梓宮南葬命正色護視事竣劾中官鮑忠駒馬都尉崔元禮部尚書溫仁和所過納饋遺帝召詰忠等皆叩頭祈哀因譴正色擅於梓宮前乘馬執扇及江行涉險又不隨舟督護大不敬帝遂發怒立捕下詔獄榜掠遣戍遼東正色居戍所三十年穆宗初召爲大理丞進少卿尋遷南京太僕卿引年致仕後數年卒

黃光昇

按泉州府志光昇字明舉晉江人嘉靖己丑進士授長興令徵入爲刑科給事中丁內艱服除補兵科七何出浙江食事三年進參議入粵正夷市之緝定交南莫宏瀾之襲討連崖徭黎之叛同事者咸推其方略左轄蜀藩編定全省徭籍務爲經久計進副都御史仍撫四川乃悉綜而行之會營三殿需巨木甚夥殿成上嘉其功拜兵部侍郎總制楚蜀黔中三省討叛苗撫降二十八寨事聞召入工部尋進南京戶部尚書與華亭相階雅相知比華亭爲高新鄭拱擠去光昇亦謝事歸四年起南京刑部疏辭不許乃趨命而新鄭以內閣典銓嗾其私人用稽命論劾竟罷歸里

黃大廉

按莆田縣志大廉字潔甫嘉靖壬辰進士授長洲知縣下車首定征徭立三品格輕重惟均爲諸家所據御史因而短之即棄印綬歸後數年御史陳蕙行部察大廉事枉疏起吉安教授遷國子助教大理寺副出爲廣東僉事丁內艱復補四川轉貴州叅議攝藩泉兩司事肅宗萬壽節大廉入賀以不謁最高六年不調上疏乞歸卒於家

黃文炳

按莆田縣志文炳字以約修行里人嘉靖乙未進士授南戶曹郎度支會計惟謹惟北新關務商民咸惠歷江西僉事參議於分宜相無資緣竟以罷免人稱其有守

黃懋官

按莆田縣志懋官字君辨嘉靖戊戌進士授禮部主

事改吏部歷文選郎中擢太僕卿順天府尹晉南京戶部侍郎久輟部篆以故事不領常經者悉從停格懋官在選部問卿京兆所至咸以精核名

黃養蒙

按泉州府志養蒙字存一南安人父澄仕僉事養蒙嘉靖二十年魁禮部第二人授遂昌令均徭役民大稱便擢吏部主事歷考功郎秉公持正遷南太常少卿轉光祿卿奔父喪家居久之起舊官遷南戶部侍郎轉北戶部乞休引疾歸

黃鶴

按河南通志鶴字鳴皋杞人嘉靖己未進士戶部郎中陞湖廣副使即樊盜劇鶴盡獲渠魁真之法陞陝西泉憲

黃襄

按泉州府志襄字國著南安人登嘉靖己未進士授行人秩滿選貴州道監察御史出守黃州遷陝西苑馬寺少卿尋解職歸里召爲山西行太僕寺少卿無何屬計吏獨由內批罷罷時萬曆丁丑也襄性資疑重當官肩事屹如岳時弗搖爲御史按遼左嗣按真定中外憚之

黃國卿

按廣東通志國卿字君任揭陽人嘉靖甲辰進士授溫州理刑折獄賑饑民命賴之轉戶曹出守吉州廉不絕物清不已甚督學江西端軌程度士習丕變焉尋擢浙江叅政卒於官

黃憲卿

按武進縣志憲卿字弘度嘉靖庚戌進士爲戶部郎

管德州倉事時嚴嵩方柄用或勸嵩嵩意卿不佳嚴氏敗始擢憲卿江西絕意仕進卒於家

黃希憲

按江西通志希憲字伯容金谿人嘉靖癸丑進士爲御史請錄用建言諸臣叅政福寧值島賊入寇縱兵要擊捷聞賜白金文綺以誨語被謫稍遷嘉興知府繕修捍海諸隄爲數郡利遷憲副會母喪去尋卒

黃庚

按六合縣志嘉靖三十二年倭奴入寇庚應募禦之死於陣

黃應甲

按安慶府志應甲字汝第懷寧人少習韜略善騎爲百夫長嘉靖乙卯夏倭突蕪關應甲以一旅禦之威名頓著壬戌中武會試第四名屢遷越西都事制火器造戰艦皆出心裁爲世所師戰功甚多其最著者平廣西峒賊韋金抱廣東峒賊鮑時秀奇謀祕計出人意料後進大都督驍騎將軍世襲指揮僉事力求歸道遙兩湖之間號兩湖道人子宮聲嗣以平劉汝國功晉指揮同知

黃釗

按明外史黃釗傳釗字珍夫安溪人由舉人歷官溫州同知嘉靖三十四年倭入犯釗擊走之知倭必復來日夜爲死守計又三年倭果大至釗出城逆擊分軍爲三釗將中軍其二軍望敵而潰倭合兵擊釗釗腹背受敵爲倭所得脅之降不屈怒怒裸而寸斬之是年倭陷福清舉人陳見與訓導鄧中困被執大罵而死倭犯惠安知縣林咸拒之陷伏死其陷興化延

平同知奚世亮力戰死

黃世勳

按明外史張達傳嘉靖三十四年寇犯馬蘭峪千戶黃世勳力戰死

黃添祥

按明外史張達傳嘉靖三十四年寇犯青邊口指揮黃添祥遇害

黃廷聘

按永州府志廷聘號瀾亭江華籍道州人嘉靖丙辰進士任南昌司李丁艱起補成都署監察御史巡按兩浙監臨鄉試時掌院者浙人欲私其子弟以碧桃紅杏爲關節廷聘不應見忤本堂出爲貴州食事不俟命竟拂衣歸杜門謝客鮮有識其面者

黃啓元

按無錫縣志嘉靖丙辰夏倭至焚掠啓元與衆禦賊死之

黃尚質

按江寧縣志尚質字宗商水軍左衛人嘉靖戊午舉於鄉授勸州學正聘陝西鄉試稱爲得士攝巴會妖寇蔡百貫作亂躬自捍禦郡賴以安改峽江令入觀里甲舊有餽金悉拒之萬曆初詔雪練子寧遣詞流爲廝養久矣尚質多方覓得之復其姓立祠買田俾主其祀擢饒州別駕投檄歸

黃尚正

按廣東通志尚正東莞人任江西龍泉縣秀洲巡檢嘉靖辛酉流賊掠縣尚正率兵迎戰殺數千人奪其馬賊退走零田尚正追至復戰後兵不繼與僕有進

俱爲賊所執尚正給賊釋僕取贖潛與縣刻期外攻至夜尚正乘賊醉刃其渠大王等數人縣兵不至遂被害事聞贈太僕寺丞廕其子

黃大年

按崇安縣志大年字省庸別號覽臺長平里人宋賢勉齋之後嘉靖辛酉領鄉薦授湖廣武岡州學正分闈江南所得皆名士調北京學正遷大理寺司務尋補戶部廣東清吏司浙江監兌旋以本司郎中出知雲南楚雄府誅除強暴扶植土風晉關西兵憲奉勅督理寧夏戎政糧儲屯田鹽法驛傳水利陝西行太僕寺卿兼按察司事視事三月七疏乞歸

黃祥

按松溪縣志嘉靖壬戌倭寇圍縣祥奮力禦倭被銃傷而死

黃旺二

按松溪縣志嘉靖壬戌倭寇犯境旺二力敵倭寇銳傷而死

黃胡

按松溪縣志嘉靖壬戌倭寇圍縣胡奮力禦寇銳傷而死

黃升

按松溪縣志升邑人嘉靖壬戌十二月倭寇圍縣升奮力禦倭陣亡

黃思近

按泉州府志思近字與仁南安人父瓊瓊州知府思近嘉靖壬戌進士授分宜知縣遷工部郎樞武林關有清聲出爲襄陽知府丁內艱釋服再守饒州轉江

西副使雲南參政丁外艱服闋改廣東參政雲南按察使左遷雲南參政歸年七十餘卒思近天性淳實宦轍所至遵職循法人謂古君子也

黃學海

按無錫縣志學海字宗於正色子正色以言事戾藩陽學海從父戍所補衛諸生舉順天鄉試擢嘉靖四十年進士除內黃知縣入爲戶部主事權准稅移兵部擢守贛州所屬零都以丈田事民譁于邑議者將臨以兵學海不許捕首亂者寘之法餘衆悉解翁源賊負險縱掠學海一鼓梟其渠未幾歸

黃惠清

按泉州府志惠清字以憲晉江人父伯善府同知惠清領嘉靖甲子鄉薦授陽春令絕餽遺禁追呼贖緩耗美一切屏汰廉聲卓起遷廉州府同知劇賊李茂伴稱撫民而聚不逞橫海上惠清白大吏以計散其黨茂卒就擒雷廉缺守惠清兩攝篆並以節愛稱以最聞而奔父喪抵家卒

黃鳳翔

按明外史黃鳳翔傳鳳翔字鳴周晉江人隆慶二年進士及第授編修教習內書堂世宗實錄成進修撰萬曆五年屢遷南京國子祭酒省母歸起補北監擢禮部右侍郎廷臣爭建儲久未得命帝諭閣臣以明春舉行大學士王家屏出語禮部鳳翔與尚書于慎行左侍郎李長春以開立儀上帝怒意復變鳳翔疏爭不報遂請告去二十年禮部左侍郎韓世能去復起鳳翔代之尋改吏部拜南京禮部尚書以養親歸久之母卒遂不出卒於家天啓初諡文簡

黃應甲

按明外史李錫傳黃應甲者不知何許人隆慶中以
潯梧左叅將從俞大猷討平韋銀豹萬曆五年屢遷
浙江總兵官改鎮廣東入僉左軍罷歸卒

黃吉士

按畿輔通志吉士字雲蛟內黃人少醇謹有德量嘗
夜讀書有鬼魅吟哦吉士自若萬曆初成進士授行
人擢御史正色立朝權貴憚之巡蘆溝請停門稅按
淮揚請停浮鹽按宣雲請停礦使晉京兆步禱祈雨
有戚里犯屠禁繩以法神宗詢其故中官以府丞禁
屠對上曰彼爲國爲民吾寧甘食肉哉是夜遣中使
持御酒賜之

黃道瞻

按泉州府志道瞻字汝臨晉江人萬曆甲戌進士授
遂昌令以繼母憂歸服除補令宜興並有廉能舉召
入給事兵垣疏忤旨謫丞永豐歲餘遷刑部主事會
臨江民李臣等爲守訟冤狀擬重辟道瞻因疏言李
臣等宜從獨宥復忤旨謫淮安運判戛然不染其家
居貧甚入宦邸則介特如初操遷兵部尋進吏部卒

黃宇

按貴州通志宇號禮門平壩人萬曆丙子舉人歷廣
南守好古力行學者稱爲禮門先生

黃運昌

按貴州通志運昌平壩人萬曆丙子舉人歷官永平
守溫恭純粹著有黔紀閩紀

黃中色

按滕縣志中色字元采號守元世爲滕人萬曆己卯

舉亞魁癸未成進士授河南懷慶府河南縣知縣聲
名籍甚時巡方使者溫淳疏爲首薦述職之歲部考
清官天下第一轉春曹旋改天曹歷三司掌文選銓
政爲之一清祖制上相咸出自館翰選陽李世達爲
都憲長才望赫然神廟有枚卜之旨選司破格推之
至再三不止遂觸聖怒以爲變亂舊制一時選司空
署斥貶中色被謫陝西與安州州倅無何抱病旋里

黃克纘

按明外史黃克纘傳克纘字紹夫晉江人萬曆八年
進士除壽州知州入爲刑部員外郎累官山東左布
政使二十九年就遷右副都御史巡撫其地屢以平
盜功加至兵部尚書四十年詔以故官參贊南京機
務時朋黨角立爲御史李若星魏雲中所劾克纘遂
還家候命居三年始履任四十七年召理京營戎政
改刑部尚書預受兩朝顧命天啓元年加太子太保
明年復以兵部尚書協理戎政克纘歷官中外清強
有執持議與爭三案者異政擊紛起自是羣小排東
林創要典率推克纘爲首功時東林方盛克纘雅不
與合屢疏發疾詔加太子太傅乘傳歸四年魏忠賢
盡逐東林召克纘爲工部尚書視事數月與忠賢忤
復引疾歸三殿成加太子太師崇禎元年起南京吏
部尚書不就卒於家

黃汝良

按泉州府志汝良晉江人萬曆十四年會魁任禮部
侍郎兼翰林院侍讀學士

黃居中

按江寧縣志居中字明立其先閩人萬曆乙酉舉禮

記魁謁選上海諭陞國子監丞轉黃平知州投檄歸
聞甲申之變號慟累月卒

黃華秀

按同安縣志華秀字居約萬曆己丑進士初任鄞州
府推官遷南京浙江道御史剛果洞達雅著風采未
幾卒於官囊無餘貲輿論惜之

黃輝

按明外史黃輝傳輝字平倩一字昭素南充人幼穎
異父子元官湖廣御史輝登萬曆十七年進士改庶
吉士由編修遷右中允充皇長子講官輝雅好禪學
多方外交爲言者所論時已爲庶子掌司經局遂請
告歸已起故官擢少詹事卒官

黃正賓

按明外史羅大紱傳萬曆十九年帝更緩開立事大
紱以爲言奪俸大學士許國王家屏連署閣臣名乞
納諸臣請帝益怒首輔申時行方在告聞帝怒乃密
揭言臣雖列名公疏實不與知帝喜手詔褒答而揭
與詔俱發禮科故事閣臣密揭無發科者時行慙懼
亟謀之禮科都給事中胡汝寧遣使取揭時獨大紱
守科欲勿予使者給取之及往索時行留不發大紱
乃抗疏願與之並斥帝震怒斥爲民中書舍人黃正
賓復抗疏力詆時行帝怒下獄拷訊斥爲民正賓歛
人以貲爲舍人直武英殿恥由貲入官思樹奇節至
是遂見推清議熹宗立起故官再遷尚寶少卿引疾
歸魏忠賢下汪文言獄詞連正賓逮成大同莊烈帝
嗣位復官致仕

黃士吉